

# SAFE: UDRUŽENI - SIGURNI

## Pregled ostvarenih aktivnosti u projektu “Pomoć opštinama da unaprijede sistem ranog upozoravanja i podrška oporavku od poplava”

Bilten štampan u okviru projekta “SAFE” koji se finansira iz EU programa “Pomoć civilnog društva oporavku od poplava” (IPA 2014)

Avgust 2017



### O projektu „SAFE“

Projekat “Pomoć opštinama da unaprijede sistem ranog upozoravanja i podrška oporavku od poplava – SAFE” finansira **Evropska unija**, a implementira **Centar za sigurnosne studije (CSS)**. Implementacija projekta „SAFE“ je zvanično započela 15.03.2017. godine, dok je vrijeme njegovog trajanja 12 mjeseci. Projekat „SAFE“ je teritorijalno fokusiran na opštine Sanski Most (FBiH) i Oštra Luka (RS).

Glavni cilj projekta je podrška oporavku tih opština od majskih poplava iz 2014. godine te unapređenje nivoa opremljenosti i obučenosti sistema za rano upozoravanje od prirodnih katastrofa.

Projektom aktivnostima predviđeno je: obnavljanje opreme opštinskim subjektima sistema zaštite i spašavanja koja je uništena tokom majskih poplava; obnavljanje knjižnog fonda za devet škola s područja dvije opštine te JU „Narodna biblioteka“ u Sanskom Mostu; izrada mapa opasnosti i rizika od poplava; izrada procjene ugroženosti navedenih opština od prirodnih i drugih nepogoda; izrada vodiča za pravilno postupanje građana tokom prirodnih i drugih nepogoda; te organizacija seminara za opštinske subjekte sistema zaštite i spašavanja o kriznom menadžmentu.

[www.css.ba/safe](http://www.css.ba/safe)

## Šta je do sada urađeno?

Do sada, projekat „SAFE“ je predstavljen svim predviđenim ciljnim grupama. U maju mjesecu, upriličeni su prvi sastanci s predstavnicima lokalnih vlasti i službi civilne zaštite u dvije opštine te JU “Narodna biblioteka” u Sanskom Mostu.



Sastanak s načelnikom Sanskog Mosta, gosp. Farisom Hasanbegovićem, te načelnikom Službe civilne i protivpožarne zaštite, gosp. Sajidom Ramićem, 15.05.2017. godine

Tom prilikom, prisutni su upoznati o projektu, njegovim najvažnijim aktivnostima i budućim koracima u njegovoj implementaciji. Izraženo je zadovoljstvo što projekat obuhvata opštine koje su pretrpjele značajne štete i gubitke tokom majskih poplava iz 2014. godine, kao i potpora za njegovu realizaciju.


Ubrzo nakon toga, dogovoreni su sastanci s rukovodstvom i predstavnicima pet osnovnih i jednom srednjom školom u



Sastanak s načelnikom Oštre Luke, gosp. Draganom Stanarom, načelnikom Službe civilne zaštite, gosp. Milanom Sredićem, te komandirima Vatrogasne jedinice, gosp. Dejanom Mastikosom, 15.05.2017. godine

Sanskom Mostu i Oštroj Luci. Na sastancima se razgovaralo o projektu “SAFE”, štetama i gubicima nastalim tokom poplava na školskim objektima, kao i o potrebama u pogledu knjižnih fondova koji će biti obnovljeni. Prisutni su izrazili zahvalnost što će se kroz projekat izdvojiti značajna finansijska sredstva za obogaćivanje bibliotekarskih kapaciteta škola, što će umnogome olakšati nastavnom osoblju i đacima izvođenje nastavnog plana i programa.

Kroz projekat “SAFE” će biti obnovljeni knjižni fondovi JU OŠ “Fajtovci”, JU OŠ “Hasan Kikić”, JU OŠ “Mahala”, JU OŠ “Prva sanska škola”, JU OŠ “Skender Kulenović”, JU “Mješovita srednja škola” i JU “Narodna biblioteka” u Sanskom Mostu te JU OŠ “Desanka Maksimović”, JU OŠ “Josif Pančić” i JU OŠ “Petar Škundrić” u Oštroj Luci.



Sastanak s direktorima i predstavnicima JU OŠ “Desanka Maksimović”, JU OŠ “Petar Škundrić” i JU OŠ “Josif Pančić” u Oštroj Luci, 06.06.2017. godine

O projektu „SAFE“ upoznate su i druge relevantne institucije na različitim nivoima vlasti, kao što su Ministarstvo sigurnosti BiH, Federalna uprava civilne zaštite (FUCZ), Kantonalna uprava civilne zaštite USK i Agencija za vodno područje rijeke Save. Inače, CSS će donirati jednu hidrometeorološku stanicu Agenciji za vodno područje rijeke Save, a predviđeno je da ista bude stavljena u funkciju na rijeci Blihi, pritoci Sane. Time će se dodatno osnažiti kapaciteti za monitoring rijeke Sane i njenih pritoka, što je naročito važno za prevenciju ili minimiziranje šteta i gubitaka nastalih poplavama.



Ovaj projekat finansira Evropska unija.



Ovaj projekat implementira Centar za sigurnosne studije.



Sastanak s pomoćnikom ministra sigurnosti BiH za zaštitu i spašavanje, gosp. Samirom Agićem, 24.05.2017. godine

U cilju rješavanja projektnih zadataka, uspješno su realizirane dvije radionice u Sanskom Mostu i Oštroj Luci.

Prva radionica, pod nazivom „Procjena stanja i potreba sistema zaštite i spašavanja u opštinama Sanski Most i Oštra Luka“, održana je 07.06.2017. godine u Sanskom Mostu. Okupila je 30 predstavnika iz različitih organizacija i institucija s područja opština Sanski Most i Oštra Luka, kao što su službe civilne zaštite, policija, osnovne i srednje škole, biblioteka, centar za socijalni rad, Crveni križ/krst, vatrogasne jedinice, klubovi ekstremnih sportova i sl.



Prva radionica, Sanski Most, 07.06.2017. godine

Cilj radionice je bio sagledati stanje i potrebe sistema zaštite i spašavanja te obrazovnih institucija u pogledu knjižnog fonda, koji su pretrpjeli štete tokom majskih poplava 2014. godine, kako bi se isti obnovili i unaprijedili. Učesnici su imali priliku i da se detaljno

upoznaju s procjenom ugroženosti opštine Sanski Most od prirodnih i drugih nepogoda.

Tokom prve radionice potpisan je i „Memorandum o razumijevanju“ između CSS-a i opština Sanski Most i Oštra Luka, čime je ozvaničena saradnja u implementaciji projekta „SAFE“.



„Memorandum o razumijevanju“ su potpisali načelnik Sanskog Mosta, gosp. Faris Hasanbegović, načelnik Oštre Luke, gosp. Dragan Stanar, te zamjenik direktora CSS-a, gosp. Armin Kržalić.

Druga radionica, pod nazivom „Izrada Akcionog plana za unapređenje sistema zaštite i spašavanja“, održana je 20.07.2017. godine u Oštroj Luci.

Radionici je prisustvovao 21 učesnik, pretežno predstavnici institucija i organizacija kojima će biti uručene vrijedne donacije. U tom smislu, na radionici je izrađen i usvojen Akcioni plan u kojem su tačno utvrđeni oprema i knjižni fondovi koji će biti nabavljeni. Također, uspostavljen je Tim za nadzor implementacije Akcionog plana, a kojeg čine predstavnici CSS-a, službi civilne zaštite i obrazovnih institucija.

Prilika je iskorištena i da se na radionici potpiše „Memorandum o unapređenju sistema ranog upozoravanja za zaštitu od poplava opština Sanski Most i Oštra Luka“, kojim je uspostavljen Tim za nadzor vodotoka rijeke Sane.

Glavni cilj uspostavljanja takvog tima je osnaživanje razmjene informacija između predstavnika sistema


zaštite i spašavanja u dvije opštine te obavještanje lokalne javnosti, naročito kada prijete opasnosti od poplava. Tim čine četiri predstavnika sistema zaštite i spašavanja u opštinama Sanski Most i Oštra Luka.




Druga radionica, Oštra Luka, 20.07.2017. godine

Mape rizika i opasnosti od poplava su izrađene i trenutno se nalaze u fazi pripremanja za štampanje, nakon čega će biti dostavljene službama civilne zaštite i mjesnim zajednicama u opštinama Sanski Most i Oštra Luka.

Mape prikazuju poplavne linije na rijeci Sani, raspored brzina i dubina po definisanoj plavnoj zoni, opasnosti, rizike po stanovništvo i privredu te zbirne rizike ranga pojave 1/100 poplavnog područja.



Sastanak s predstavnicima Agencije za vodno područje rijeke Save, 09.08.2017. godine



Prema procjenama opštinskih vlasti, poplave su nanijele štetu opštini Sanski Most u iznosu od oko 11 miliona BAM. Poplavljeno je 2075 stambenih i drugih objekata te 1531 ha poljoprivrednog zemljišta, uništeno je 3.5 km putne infrastrukture, oštećena su 2 mosta, dok je pod vodom bilo oko 2000 ha zemljišta. Također, nakon poplava se pojavilo 14 klizišta predstavljajući dodatnu opasnost za život i zdravlje stanovništva, kao i materijalna dobra. U opštini Oštra Luka lokalni putevi su bili u izuzetno lošem stanju nakon poplava, dok je procijenjena šteta u iznosu od 650 000 BAM.

Delegacija Evropske unije u Bosni i Hercegovini  
Skenderija 3a, 71000 Sarajevo, Bosna i Hercegovina  
T: +387 (0)33 254 700 F: +387 (0)33 666 037  
www.europa.ba

Centar za sigurnosne studije  
Branilaca Sarajeva 13/1, 71000 Sarajevo, Bosna i Hercegovina  
T: +387 (0)33 262 456 F: +387 (0)33 223 250  
www.css.ba

facebook.com/europa.ba

twitter.com/eubih

facebook.com/CSSBIH

twitter.com/CSS\_BiH



Ovaj projekat finansira Evropska unija.

Ovaj projekat implementira Centar za sigurnosne studije.

Ova publikacija je urađena uz pomoć Evropske unije. Sadržaj ove publikacije je isključiva odgovornost Centra za sigurnosne studije i ni u kom slučaju ne predstavlja stanovišta Evropske unije.